



Inatsisartunut ilaasortaq
Tillie Martinussen
Demokraatit

**Ikiaroorartumik hashimik tuniniaanermi pinerlulluni isertitanik
malunnarunnaarsaaneq pillugu § 37 apeqqummut nr. 161 akissuteqaat.**

Asasara Tillie Martinussen.

Inatsisartut Suleriaasianni § 37 imm. 1 naapertorlugu ikiaroorartumik hashimik tuniniaanermi pinerlulluni malunnarunnaarsaaneq pillugu arlalinnik apeqquteqarsimavutit.

Brevdato: 09-07-2015
Sags nr. 2015 - 4013
Dok. nr. 642443

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

**1. Kalaallit Nunaanni politiit takusaqarnikuunerlutik, maani nunami
ikiaroorartumik hashimik pinerlulluni isertitanik Danske Spil aqutigalugu
malunnarunnaarsaasunik?**

Akissut:

Akilerartarnermut Aqutsisoqarfiup immikkoortortaa siunnersuineq nakkutilliinerlu odd'set allagartaanik Danske Spil-ineersunik 36.000 kr.-t nalinganut 2014-imi arsaarinnissuteqarpoq, ilimasuutigineqarmat ikiaroorartunik tuniniaanermi aningaasanik malunnarunnaarsaatitut allagartat atorneqarniartut.

Akilerartarnermut Aqutsisoqarfiup pigisat arsaarinnissutaasut, ikiaroorartuusinnaapput, aningaasaasinnaapput imaluunniit pisumi uani odd'set allagartaat politiinut tunniuttarpaat, pinerluttoqarsimaneranik paasiniaanerup ingerlatiinnarnissaa siunertaralugu.

Tamanna pillugu Naalakkersuisut ilimagisariaqarpaat pinerluttuliorluni isertitanik malunnarunnaarsaasoqartarnera politiit ilisimaarigaat.

**2. Naalakkersuisut pilersaaruteqarnerlutik Danske Spil aqutigalugu
malunnarunnaarsaanerup ajornarnerulernissaanut Naalagaaffimmi oqartussaasut
suliniuteqarniarlutik pilersaaruteqarnerat pillugu
ilisimatinneqartarnissaminnik immaqalu naalagaaffimmi oqartussaasut
pineqartoq pillugu oqaloqatissalerlugu, qularnaarumallugu, iliuuserineqartussatut
pilersaarutaasut Kalaallit Nunaanni malunnarunnaarsitsisarnermut
ajornartorsiummut oqilisaataanissaat?**

Akissut:

Suliat makkua pillugit danskit naalakkersuisui qanoq isumaliuteqarnerisut Naalakkersuisut qularnanngitsumik ilisimateqqusassapput. Kalaallit Nunaannut attuumassuseqartunik suliniuteqartoqarpat, Kalaallit Nunaanni atuutilernissaat qinnutigineqartassaaq.

**3. Naalakkersuisut maannagaaq ilisimatitsissutigisinnaanerlugu
naalagaaffeqatigiinni oqartussaasunit suut eqqarsaatigineqarnersut?**

Akissut:

Maanna Naalakkersuisut ilisimanngilaat danskit naalakkersuisortaavisa apeqqutit uku
qanoq isumaqarfigineraat.

Inussiarnersumik inuulluaqquillunga

Med venlig hilsen



Andreas Uldum